

Script of Morning Gojri News Bulletin 02 September 2024 at 1015Hrs

ما رنینگ گو جری نیو ز بلیٹن مو رخہ 02 ستمبر 2024

یوہ آکا شوانی جموں بے محبوب سلطانی تیں خبر سٹو۔

First Phase

جموں کشمیر اسمبلی انتخابات غا پہلا مرحلہ واسطے چناب خطہ غی 8 اسمبلی حلقاں وچوں 4 حلقاں مانہہ ڈیمو کریٹک پروگریسو آزاد پارٹی غا نامزد امیدواراں غی طرفوں ناں واپس لین تیں توں کانگریس تے نیشنل کانفرنس جماعت امید کر رہی ہیں جے ویں اس مقابلہ مانہہ اپنی طرف کرن مانہہ کامیاب ہوجا ئیں گی۔ جد کہ پی ڈی پی تے بی جے پی اپنا سیا سی مخالفین غو مقابلو کرن واسطے میدان مانہہ ڈٹی وی ہیں۔ واضع رہ جے جنوبی کشمیر غا 4 ضلع بشمول پلوامہ، اننت ناگ، شوپیان، کلگام غی 16 اسمبلی حلقہ جد کہ ضلع دوڈہ کشتواڑ رام بن گا 8 اسمبلی حلقاں مانہہ پہلا مرحلہ غے تحت 18 ستمبر مانہہ ووٹینگ کرائی جا ئیگی۔ اس مرحلہ مانہہ 219 امیدوار میدان مانہہ ہیں جس مانہہ خطہ چناب غا 64 امیدواراں مانہہ 7 سابقہ وزیر، 4 خواتین، 25 آزاد امیدوار شامل ہیں۔ کانگریس تے نیشنل کانفرنس جماعت جہیڑی کہ یوہ انتخاب سانجھا طور لڑ رہی ہیں نے بانہال، بہدرواہ تے ڈوڈہ توں اپنا امیدواراں مانہہ میدان مانہہ اُتار غے دوستانہ چناؤ لڑن غو فیصلو کیو بے جد کہ اندروال توں نیشنل کانفرنس غا با غی رہنما نے آزاد امیدوار غی حیثیت توں لڑن غو فیصلو کیو جد کہ بی جے پی غا 2 با غی رہنما نے پاڈر ناگسینی تے رام بن اسمبلی حلقہ توں اپنی قسمت آزمان غو فیصلو کیو بے۔ جموں کشمیر غی 90 اسمبلی حلقاں مانہہ با لترتیب 18 ستمبر، 25 ستمبر تے 1 اکتوبر مانہہ 3 مرحلاں مانہہ کرایا جا ئیں گا۔ جد کہ ووٹاں غی گنتری 8 اکتوبر مانہہ کرائی جا ئیگی۔ واجع رہ جے دفعہ 370 غی منسوخی تے 2014 توں بعد پہلی بار جموں کشمیر مانہہ اسمبلی انتخابات ہون جا رہیا ہیں۔

Star Campaigner

جموں کشمیر مانہہ بی جے پی غی انتخابی مہم مانہہ فروغ دین واسطے وزیر اعظم نریندر مو دی امت شاہ تے دوجا پارٹی غا سینئر رہنما ستمبر 8 توں بعد یوٹی گا دورہ ور رہیں گا۔ اک سینئر بی جے پی غا رہنما نے دسیو بے جے وزیر اعظم جناب مودی ہوسکے جموں کشمیر مانہہ انتخابی مہم واسطے دوجا مرغلہ غے دوران آویں۔ جدف کہ دوجا وزیر 10 ستمبر توں بعد یقینی طور ور جموں کشمیر غو دورو کریں گا۔ منیو جا رہیو بے جے جناب مودی جموں تے کشمیر مانہہ اک اک عوامی ریلی سنگ خطاب کریں گا۔ اُنگاں کانگریس جماعت غا ستار مہم کار تے لوک سیہا مانہہ حزب اختلاف غا رہنما راہل گاندھی بانہال، ڈورو اسمبلی حلقہ مانہہ اپنا امیدواراں غی مہم واسطے 4 ستمبر مانہہ جموں کشمیر غو دورو کریں گا۔ پارٹی گا اک ترجمان نے دسیو بے جے راہل گاندھی ضلع رام بن غا بانہال اسمبلی حلقہ گا گول قصبہ مانہہ پہلی انتخابی ریلی سنگ خطاب کریں گا۔ جد کہ دوپہر توں بعد ویں جنوبی کشمیر غا ضلع اننت ناگ غا ڈورو اسمبلی حلقہ مانہہ دوجی انتخابی ریلی سنگ خطاب کریں گا۔

Nasha Mukat Bharat

فوج نے ضلع پونچھ غا گراں بفلیاں مانہہ نوجواناں بشکار منشیا تے استعمال تے خطرہ تے معاشرہ مانہہ اس غا اثر بارے بیداری پیدا کرن واسطے اک لیکچر غو انعقاد کیو۔ اس

دوران مقامی لوکان نے بدھربی منشیات غی بدعت تے اس غا جسمانی تے ذہنی طور و نقصان بارے آگاہ کیو گیو۔ اس موقعہ و ر مقامی لوکان نانہہ تمباکو غا بُرا اثرات بارے وی دسیو گیو۔ اس ضمن مانہہ اس گل بارے وی جانکاری دتی گئی جے لوکان غا منہ مانہہ تمباکو کس طرح کینسر غی وجہ بنے۔ تاہم مقامی لوکان نے سماجی مسئلاں تے اس طرح گاہ بیداری پروگرام اور سیمینار منعقد کرن و ر بھارتی فوج غو شکریو ادا کیو۔

Micro Observers

ضلع چناؤ افسر ڈوڈہ نے آن آلا جموں کشمیر اسمبلی انتخابات واسطے انتخابی فرائض نانہہ بہتر طریقہ سنگ منعقد کران واسطے ما ٹکرو ایزرور غو جامع تربیتی سیشن منعقد کیو۔ اس سیشن غے دوران ما ٹیکر ایزرورز نانہہ ان گاہ کردار تے ذمہ داریاں بارے تفصیلی ہدایات دتی گئی جن مانہہ اپنا فرض غا انجام دیہی مانہہ چوکسی تے دوجی شامل ہیں۔ اس تیں علا وہ انہاں نانہہ انتخابی پروٹوکول تے پولیننگ آلے تہاڑے کسے وی طرح غی پیدا ہون آلی بے ضابطگی یاہ مسائل غی اطلاع دین گاہ طریقہ کار بارے وی تفصیلی جانکاری فراہم کی گئی۔

Poonch Preparedness

ضلع چناؤ افسر پونچھ وکاس گنڈل نے پچھلے تہاڑے اک میٹنگ منعقد کر غے آن آلا اسمبلی انتخابات واسطے تیاریاں نانہہ یقینی بنان تے ضلع پونچھ گاہ پولیننگ سٹیشن و ر ہر ممکن سہولیات غی فراہمی غو جائزو لیو۔ اس میٹنگ غے دوران جنان گنڈل نے بھارتی چناؤ کمیشن غی طرفوں جاری رہنما خطوط غے تحت ہر ممکن سہولیات مہیا کرایا جان گو تفصیلی جائزو لیو۔ اس تیں علا وہ انہاں نے لوکان واسطے پین گاہ پانی غی دستیابی، صفائی غی مناسب سہولیات، بجلی غی فراہمی تے دوجی سہولیات غا انتظام بارے گل بات کی۔

Amity Gujjar and Bakarwal

ضلع پونچھ گاہ گراں سموٹ مانہہ فوج نے مقامی لوکان سنگ اک میٹنگ غو اہتمام کیو۔ جس غو مقصد مقامی لوکان سنگ رسائی نانہہ بدھانو تے لوکان اور فوج بشکار آپسی تال میل نانہہ مزید بہتر بنانو تھو۔ اس دوران مقامی لوکان نانہہ موجودہ صورتحال، ذمہ داری بارے جانکاری فراہم کی گئی تے علاقہ مانہہ دہشت گرداں نانہہ مار مکان واسطے فوج غی کوششاں بارے آگاہ وی کیو گیو۔ اس میٹنگ نے گراں مانہہ درپیش دقتاں نانہہ اُجاگر کرن واسطے لوکان نانہہ اک موقعو وی فراہم کیو۔

Go Green Initiative

بھارتی فوج نے ضلع راجوری گاہ علاقہ سولیکی مانہہ اک شجرکاری مہم غو انعقاد کیو۔ جس غو مقصد پائیدار ماحول واسطے بیداری عام کرنو تے آن آلی نسلان واسطے صحت مند سیارا نانہہ یقینی بنانو تھو۔ اس تقریب نانہہ بھارتی فوج تے سرکاری ہائر سکینڈری اسکولی سولیکی غی انتظامیہ نے سانجھا طور و ر منعقد کیو۔ جس مانہہ علاقہ گاہ بزرگ شہریاں تیں علاوہ مقامی لوکان، اساتذہ، نوجوان طالب علم شامل ہوا۔ شجرکاری کرن توں مراد علاقہ مانہہ بوٹا لاگے جنگلات نانہہ فروغ دینو تے جت جنگلات غی کمی بے ات ماحولیاتی توازن نانہہ برقرار رکھنو ہے۔

اس غے نال ہی خبراں غو یوہ بلیٹن ختم ہوؤ۔